

法苑珠林

三


C40
4514
(11)

c40-45-14

了翁一居諸大藏及有
家書置之武州紫雲山
我微笑瑤院庭廚中未
為學者不敢許出院內
當由二世鐵干機謹誌



B 64853



妙法蓮華經通義卷第三

姚秦三藏法師鳩摩羅什奉 詔譯

明南嶽沙門憨山釋德清述

妙法蓮華經藥草喻品第五

此品來意因上四大弟子領悟許三賜一說
喻自陳昔失今得之情世尊印可其心然猶
未盡知如來知見之力抑恐執相之徒不達
如來平等說法隨類異解之旨將謂實有三
乘之異

故說藥草一喻以顯如來說法平等一味但隨根大小各受不同如一雨無私三草二木隨分受潤各別是知法本不異異在於機此則唯有一乘無二無三之旨自明而使聞者習見頓除可入如來平等法慧開佛知見明矣此後卽爲授記故此品來也

爾時世尊告摩訶迦葉及諸大弟子善哉善哉迦葉善說如來真實功德誠如所言如來復有無量無邊阿僧祇功德汝等若於無量億劫說

不能盡迦葉當知如來是諸法之王若有所說皆不虛也於一切法以智方便而演說之其所以說法皆悉到於一切智地如來觀知一切諸法之所歸趣亦知一切衆生深心所行通達無礙又於諸法究盡明了示諸衆生一切智慧

此如來述成四大弟子雖悟而猶未盡也迦葉等旣領譬喻之說乃設窮子怖父長者曲垂方便誘引之心以喻如來俯爲三乘極盡慈悲之意可謂善說如來真實功德矣但所

知者似乎如來涉於有心單爲二乘之人實有三乘之設。殊不知如來說法以平等大悲無問有性無性。一音說法音使聞知齊成佛道原無三之一之分。此是如來無作妙力。所謂復有無量無邊功德無量億劫說不能盡者。卽出世至今所見聞者。如海一滴耳。此非汝等所知也。以如來是諸法之王得大自在。凡有所說皆稱法界性真實不虛。故於一切法以方便權智應機而說。卽其所說皆歸究竟

真實智地無有虛談。以如來實智證理則觀知一切諸法歸趣究竟實際。以權智鑑機則知一切衆生之心樂欲所行無不通達。又善能分別諸法之相。若性相權實。一一明了。卽其所說善能開示衆生本有智慧。此所以爲無量功德之大略。豈汝所能盡知耶。

迦葉譬如三千大千世界山川谿谷土地所生卉木叢林及諸藥草種類若干名色各異密雲彌布徧覆三千大千世界一時等澍其澤普洽

法苑珠林卷三
卉木叢林及諸藥草小根小莖小枝小葉中根
中莖中枝中葉大根大莖大枝大葉諸樹大小
隨上中下各有所受一雲所雨稱其種性而得
生長華果敷實雖一地所生一雨所潤而諸草
木各有差別迦葉當知如來亦復如是出現於
世如大雲起以大音聲普遍世界天人阿脩羅
如彼大雲遍覆三千大千國土於大衆中而唱
是言我是如來應供正徧知明行足善逝世間
解無上士調御丈夫天人師佛世尊未度者令

度未解者令解未安者令安未涅槃者令得涅
槃今世後世如實知之我是一切知者一切見
者知道者開道者說道者汝等天人阿脩羅衆
皆應到此爲聽法故爾時無數千萬億種衆生
來至佛所而聽法如來于時觀是衆生諸根利
鈍精進懈怠隨其所堪而爲說法種種無量皆
令歡喜快得善利是諸衆生聞是法已現世安
隱後生善處以道受樂亦得聞法旣聞法已離
諸障礙於諸法中任力所能漸得入道如彼大

海峽通義 卷三
雲雨於一切卉木叢林及諸藥草如其種性具足蒙潤各得生長

此法一機異之譬也。三千大千之土地總譬一真法界衆生本有之心地。山川谿谷所生之草木譬三界所有之衆生。種類名色之各異譬三乘五性之不同。木有貞樗。草有良毒。今取衆生堪受化者如草之可爲藥。木之可成材者。其不受化者皆腐毒樗朽耳。故名藥草。衆生根性種種不一。有三乘五性之不同。

故云種類若干名色各異。此喻所被之機也。佛以法界身雲普徧十方。故如密雲彌布。圓音一演十刹頓周。故如一雨普洽。衆生聞者隨類各解。故如三草二木各有所受。稱其種性各得成實。所謂佛以一音演說法。衆生隨類各得解。初從人天小乘。以及菩薩無不成。就皆能自利利他。除生死之病。獲涅槃之安。故但取藥草而喻。至若闡提外道及十惡不信之衆生。皆狼毒蕪草。亦無不蒙潤。但不能

信受故非機耳。雖一地所生等。喻衆生同稟一真法性而隨種成熟不同。所謂法本不異。異在機也。由是觀之三乘之法。非佛有心分別。唯以法界海慧平等普說。由機聞見各異。自分大小差別。是則昔日權法皆說佛慧。但小智自私而不受。非佛定有三乘可執取也。此迦葉等雖悟昔權而不知本無三一之分。此如來平等大慧無量功德說不能盡者。殊非二乘可知也。如來亦復如是。下法合可知。

於大衆中唱如是言。下至爲聽法故。乃佛初成正覺。法王應運出興。詔告三界之詞也。以空劫無佛。三界衆生自未見佛。今法王從真界出。不知佛是何人。爲何而來。所知何法。恐其驚怖。故告之曰。我是如來等。使皆知是佛也。爲度者度等。使知佛爲度衆生。令出苦得樂而來也。如實知之等。告以所證之法。且能開能說。使三界衆生皆應來此聽法。此正爲一大事。因緣出現世間之本懷。正如大雲雨

也。爾時無數下。三界衆生因聞布告召集而
來也。如來於時等觀根說法。如三草二木隨
分受潤。人天三乘各得成熟。故云皆令歡喜
各得善利。此隨根之法。似先有心分別。其實
佛以平等大慧觀衆生各各不同。故一音所
演之法大小具足。卽一四諦法。而三乘各解
不同。正法一機異。非有心差別也。故天台判
教有秘密不定。正此謂也。前云如來不說大
者。非今日別說一大。但說破昔日所說皆大

法耳。以迦葉但悟今日是大。將謂昔說是小。
故如來復說此喻。以洗執昔之狹習了悟平
等佛慧。乃堪授記耳。是諸衆生等。攸聞法得
益。各得成就。漸得入道。正如一雲普雨。三草
二木。具足受潤。各得生長也。所云漸得入道。
非佛有漸法。要知法本是頓。但聞者漸漸成
熟。如雨是普。在草木各得具足蒙潤。但隨根
漸長耳。如華嚴地上。菩薩自五戒十善四諦
十二因緣歷次而修。豈非人天小善皆法界

大法哉。況諦緣乎。若分別諸法則三乘所知。若無分別之分別則非二乘所知也。

如來說法一相一味所謂解脫相離相滅相究竟至於一切種智其有衆生聞如來法若持讀誦如說修行所得功德不自覺知所以者何唯有如來知此衆生種相體性念何事思何事修何事云何念云何思云何修以何法念以何法思以何法修以何法得何法衆生在於種種之地唯有如來如實見之明了無礙如彼卉木叢

林諸藥草等而不自知上中下性如來知是一相一味之法所謂解脫相離相滅相究竟涅槃常寂滅相終歸於空佛知是已觀衆生心欲而將護之是故不卽爲說一切種智汝等迦葉甚爲希有能知如來隨宜說法能信能受所以者何諸佛世尊隨宜說法難解難知

此敘佛平等一味之法也。佛所說法本一實相。元無異相。純是甘露醍醐會無異味。解脫者雖說諸法。而離一切法。離相者雖說諸相。

而離一切相滅相者雖說生滅而顯寂滅無
生此釋一相一味之法也。以此故所說法一
一究竟皆至一切種智。豈有三乘之法哉。但
衆生聞者隨其根性。若持若修。各隨所得而
不自覺知。此法一而機自異耳。所以者何等
釋衆生不知之所以。然佛說法雖是平等一
音。而衆生根器有種相體性樂欲念思修得
之不同。必先觀察了知。然後應機普說。是則
佛皆如實了知衆生之性欲。而衆生不自覺

知本根之大小。故所聞法如蚊飲海。各隨量
而足。將謂佛法止此而已。豈知平等一味之
法哉。如來知是下釋上。不卽說大之所以。然
佛旣以平等大法普施衆生。衆生所受大小
不同。佛不早爲說破。一向久默斯要者。以佛
說法一言一句。無不究竟歸極於法界真空。
但衆生心欲之不同。故將護之。以待其時。故
不卽爲說一切種智之事。恐其驚疑。特隱忍
以待。非畢竟不說也。今衆生根熟。涅槃時至。

不得不說耳。迦葉能知如來隨宜說法甚爲希有。然隨宜中平等此其難解難知也。

爾時世尊欲重宣此義而說偈言

破有法王出現世間隨衆生欲種種說法如來
尊重智慧深遠久默斯要不務速說有智若聞
則能信解無智疑悔則爲永失是故迦葉隨力
爲說以種種緣令得正見

此重頌前義也。破有下四句總述迦葉讚佛之意。九界衆生皆墮於有。凡夫有生死。二乘

有涅槃。菩薩有衆生可度。有佛果可求。唯佛能破故云破有。於法自在故稱法王。如來尊重下十二句頌佛待時說大之意。如來所以久默不說者恐小智生疑。故隨力爲說漸漸令得正見。此迦葉所未知也。

迦葉當知譬如大雲起於世間徧覆一切慧雲
含潤電光晃曜雷聲遠震令衆悅豫日光揜蔽
地上清涼飄蕩垂布如可承攬其雨普等四方
俱下流澍無量率土充洽山川險谷幽邃所生

卉木藥草大小諸樹百穀苗稼甘蔗蒲萄雨之
所潤無不豐足乾地普洽藥木竝茂其雲所出
一味之水草木叢林隨分受潤一切諸樹上中
下等稱其大小各得生長根莖枝葉華果光色
一雨所及皆得鮮澤如其體相性分大小所潤
是一而各滋茂

此喻顯平等大慈之意也。佛身如雲。說法如
雨。則平等可知。而言密雲大雲至垂布可攬
則喻法身普徧俯就羣情之意。未雨而雷電

前驅喻凡說法必先放光現瑞動地爲前相
也。初云三草二木。頌至百穀等則喻三乘五
性無不利潤。然乾地亦洽則無性闡提未嘗
不滋也。其雲所出等喻佛一身一智慧平等
一味所被之機。受益不同。隨分自足。而各滋
茂成熟也。

佛亦如是出現於世。譬如大雲普覆一切。既出
于世。爲諸衆生分別演說諸法之實。大聖世尊
於諸天人一切衆中而宣是言。我爲如來兩足

法苑珠林卷三
一
之尊出于世間猶如大雲克潤一切枯槁衆生
皆令離苦得安隱樂世間之樂及涅槃樂諸天
人衆一心善聽皆應到此觀無上尊我爲世尊
無能及者安隱衆生故現於世爲大衆說甘露
淨法其法一味解脫涅槃以一妙音演暢斯義
常爲大乘而作因緣我觀一切普皆平等無有
彼此愛憎之心我無貪著亦無限礙恒爲一切
平等說法如爲一人衆多亦然常演說法曾無
他事去來坐立終不疲厭克足世間如雨普潤

貴賤上下持戒毀戒威儀具足及不具足正見
邪見利根鈍根等雨法雨而無懈倦

此佛亦如是下法合也初四句合喻本既出
下四句頌出世本懷大聖下十四句頌告詔
之辭諸天下十句頌召集人天當說平等法
也其法下六句頌一相一味平等之法凡有
所說當作大乘因緣所謂究竟皆得一切種
智也我觀下二十四句正頌平等說法貴賤
等釋平等之意無論貴賤持毀邪正利鈍一

以平等大慧而普被之。足知三乘五性不待
今日授記矣。

一切衆生聞我法者隨力所受住於諸地。或處
人天轉輪聖王釋梵諸王。是小藥草。知無漏法
能得涅槃。起六神通。及得三明。獨處山林。常行
禪定。得緣覺證。是中藥草。求世尊處。我當作佛
行精進。定是上藥草。又諸佛子。專心佛道。常行
慈悲。自知作佛。決定無疑。是名小樹。安住神通
轉不退輪。度無量億百千衆生。如是菩薩。名爲

大樹。佛平等說。如一味雨。隨衆生性所受不同。
如彼草木。所稟各異。佛以此喻。方便開示種種
言辭。演說一法於佛智慧。如海一滴。我雨法雨。
克滿世間一味之法。隨力修行。如彼叢林藥草。
諸樹隨其大小。漸增茂好。諸佛之法。常以一味。
令諸世間。普得具足。漸次修行。皆得道果。

此一切下。頌衆生隨根受益不同。各得成實
也。初四句。總頌諸地。謂從三界九地。以至菩
薩十地也。後釋諸地。或處下四句。明入天。知

法華通義 卷三
無漏法下八句明聲聞緣覺求世尊處下四句明藏教菩薩依權教修故名小草。偈云我當作佛然藏教所期三藏果頭佛也。又諸佛子下六句明通教菩薩安住神通下六句明圓教菩薩佛平等下六句頌法一而機異也。佛以此喻下六句結佛功德說不能盡之意。以由迦葉不能盡知如來功德故說此喻以發明之。然一雲一雨平等普潤三草二木具足成熟。雖喻佛之功德廣大不可思議其實於佛智慧海中如一滴耳。豈能盡喻佛之功德哉。迦葉所以不能盡知也。我雨法雨下八句總明成熟之利。諸佛之法下六句總明成熟之機。下別明隨機得果。

聲聞緣覺處於山林住最後身聞法得果是名藥草各得增長。若諸菩薩智慧堅固了達三界最上乘是名小樹而得增長。復有住禪得神通力聞諸法空心太歡喜放無數光。度諸衆生是名大樹而得增長。如是迦葉佛所說法譬如

法華通義 卷三
大雲以一珠雨潤於人華各得成實

此聲聞下頌各得增長也。初六句頌聲聞緣覺而得增長。若諸菩薩下六句言權教菩薩而得增長。復有住禪下八句言實教菩薩而得增長。所謂具足蒙潤各得生長者也。如是迦葉下六句總結成實。

迦葉當知以諸因緣種種譬喻開示佛道是我方便諸佛亦然。今爲汝等說最實事。諸聲聞衆皆非減度汝等所行是菩薩道。漸漸修學悉當

成佛

此迦葉下頌開權顯實諸佛道同也。初六句明卽權顯實諸佛道同。今爲汝等下八句總結。今實通廢昔權。開後授記之文也。已爲授記。而云漸漸修學。悉當成佛者。正顯昔非真修。自今開佛知見。方是成佛真因。所謂不生滅心爲本修因也。楞嚴云。理須頓悟。事因漸除。故云漸漸。

妙法蓮華經授記品第六

此品來意由四大弟子領悟平等一味之旨。已解本無三乘之實。本有佛之知見。既開。則成佛真因已具。乃爲四人授記。特以名品。故此來也。

爾時世尊說是偈已。告諸大衆。唱如是言。我此弟子摩訶迦葉。於未來世當得奉覲三百萬億諸佛。世尊供養恭敬。尊重讚歎。廣宣諸佛無量大法。於最後身得成爲佛。名曰光明如來。應供正徧。知明行足。善逝。世間解。無上士。調御丈夫。

天人師佛世尊國名光德。劫名大莊嚴。佛壽十二小劫。正法住世二十小劫。像法亦住二十小劫。國界嚴飾。無諸穢惡。瓦礫荆棘。便利不淨。其土平正。無有高下坑坎堆阜。琉璃爲地。寶樹行列。黃金爲繩。以界道側。散諸寶華。周徧清淨。其國菩薩無量千億。諸聲聞衆亦復無數。無有魔事。雖有魔及魔民。皆護佛法。爾時世尊欲重宣此義。而說偈言。

告諸比丘。我以佛眼見。是迦葉於未來世過無

數劫當得作佛而於來世供養奉觀三百萬億諸佛世尊爲佛智慧淨修梵行供養最上二足尊已修習一切無上之慧於最後身得成爲佛其土清淨琉璃爲地多諸寶樹行列道側金繩界道見者歡喜常出好香散衆名華種種奇妙以爲莊嚴其地平正無有丘坑諸菩薩衆不可稱計其心調柔逮大神通奉持諸佛大乘經典諸聲聞衆無漏後身法王之子亦不可計乃以天眼不能數知其佛當壽十二小劫正法住世

二十小劫像法亦住二十小劫光明世尊其事如是

此授迦葉之記也諸弟子授記之事有因有果而所得之果有不同者蓋各隨本因而感也皆以今日開佛知見爲發覺初心從此已去所修之行方爲成佛之真因以因圓而後得果也然因中必由事佛供佛者供佛則修福宣法則修慧二嚴具足乃因圓而後得果故最後身方得成佛也最後身者論云菩

法華通義 卷三
一
薩地盡覺心初起心無初相遠離微細念故
得見心性此乃無明盡淨一死永亡之時名
最後身然事佛多寡之不一乃無明厚薄之
不等也然有造塔不造塔者以所積福各有
深淺之不一也名號各別則各隨本因而國
土莊嚴同一清淨則同一唯心清淨所感之
實報所化衆生無三惡道則本願之所召眷
屬之大小壽命之修短法住之久近皆各隨
願力之所致例皆然也迦葉名飲光因地事

日月燈佛然燈續明以紫金光塗佛形像故
感果號名光明國名光德劫名大莊嚴宜矣
壽命法住皆二十小劫則差於身子亦本願
所持也國土清淨則同一淨心三乘眷屬亦
夙緣也以非惡世故魔皆護法

爾時大目犍連須菩提摩訶迦旃延等皆悉悚
慄一心合掌瞻仰尊顏目不暫捨卽共同聲而
說偈言

大雄猛世尊諸釋之法王哀愍我等故而賜佛

法華通義 卷三
音聲若知我深心見爲授記者如以甘露灑除
熱得清涼如從饑國來忽遇大王膳心猶懷疑
懼未敢卽便食若復得王教然後乃敢食我等
亦如是每惟小乘過不知當云何得佛無上慧
雖聞佛音聲言我等作佛心尚懷憂懼如未敢
便食若蒙佛授記爾乃快安樂大雄猛世尊常
欲安世間願賜我等記如饑須教食

此日健連等因迦葉得記故希記而請也然
前佛總說千二百聲聞悉亦當作佛則人人
皆有成佛之分明矣而三子必欲指名而說
其實事猶恐其不得悚慄而請者此正小乘
夙懷執相之習狹劣之心未卽頓捨今雖蒙
佛許可自己未敢承當故如饑逢王膳未敢
便食必須得旨後乃敢食所以雖聞作佛而
心尚懷憂必冀佛說乃安樂耳

爾時世尊知諸大弟子心之所念告諸比丘是
須菩提於當來世奉觀三百萬億那由他佛供
養恭敬尊重讚歎常修梵行具菩薩道於最後

法華通義 卷三
身得成爲佛號曰名相如來應供正徧知明行
足善逝世間解無上士調御丈夫天人師佛世
尊劫名有寶國名寶生其土平正玻瓈爲地寶
樹莊嚴無諸丘坑沙礫荆棘便利之穢寶華覆
地周徧清淨其土人民皆處寶臺珍妙樓閣聲
聞弟子無量無邊筭數譬喻所不能知諸菩薩
衆無數千萬億那由他佛壽十二小劫正法住
世三十小劫像法亦住二十小劫其佛常處虛
空爲衆說法度脫無量菩薩及聲聞衆爾時世
尊欲重宣此義而說偈言

諸比丘衆今告汝等皆當一心聽我所說我大
弟子須菩提者當得作佛號曰名相當供無數
萬億諸佛隨佛所行漸具大道最後身得三十
二相端正殊妙猶如寶山其佛國土嚴淨第一
衆生見者無不愛樂佛於其中度無量衆其佛
法中多諸菩薩皆悉利根轉不退輪彼國常以
菩薩莊嚴諸聲聞衆不可稱數皆得三明具六
神通住八解脫有大威德其佛說法現於無量

神通變化不可思議諸天人民數如恒沙皆共
合掌聽受佛語其佛當壽十二小劫正法住世
二十小劫像法亦住二十小劫

此空生得記也將來事佛因行與迦葉等果
號名相則各隨本因以須菩提解空第一然
所空者名相之外更無可空故將來成佛果
號名相正顯空法得證也尊者生時庫藏皆
空故果上劫名有寶國名寶生蓋卽空以顯
不空義也亦本因耳其土清淨則同一淨心

人民皆處寶臺應有寶義也眷屬壽命法住
久近與迦葉等但彼佛常處虛空說法則由
空法實證故果亦如之

爾時世尊復告諸比丘衆我今語汝是大迦旃
延於當來世以諸供具供養奉事八千億佛恭
敬尊重諸佛滅後各起塔廟高于由旬縱廣正
等五百由旬以金銀琉璃磚磑碼瑙珍珠玫瑰
七寶合成衆華瓔珞塗香末香燒香繒蓋幢旛
供養塔廟過是已後當復供養二萬億佛亦復

如是供養是諸佛已具菩薩道當作佛號曰
閻浮那提金炎如來應供正徧知明行足善逝
世間解無上士調御丈夫天人師佛世尊其土
平正玻瓈爲地寶樹莊嚴黃金爲繩以界道側
妙華覆地周徧清淨見者歡喜無四惡道地獄
餓鬼畜生阿脩羅道多有天人諸聲聞衆及諸
菩薩無量萬億莊嚴其國佛壽十二小劫正法
住世二十小劫像法亦住二十小劫爾時世尊
欲重宣此義而說偈言

諸比丘衆皆一心聽如我所說真實無異是迦
旃延當以種種妙好供具供養諸佛諸佛滅後
起七寶塔亦以華香供養舍利其最後身得佛
智慧成等正覺國土清淨度脫無量萬億衆生
皆爲十方之所供養佛之光明無能勝者其佛
號曰閻浮金炎菩薩聲聞斷一切有無量無數
莊嚴共國

此旃延得記也旃延因記則先事八千億佛
及佛滅後造七寶塔廟供佛舍利歷二萬億

佛總之少於飲炁空生而速得佛者由昔善於論義法性精明果號那提金炁則精瑩之至因行然也壽命十二劫則隨機感住世法住久近則願力所持

爾時世尊復告大衆我今語汝是大目犍連當以種種供具供養八千諸佛恭敬尊重諸佛滅後各起塔廟高千由旬縱廣正等五百由旬以金銀琉璃碑礫碼磻珍珠玫瑰七寶合成衆華瓔珞塗香末香燒香繪蓋幢旛以用供養過是

已後當復供養二百萬億諸佛亦復如是當得成佛號曰多摩羅跋耨檀香如來應供正徧知明行足善逝世間解無上士調御丈夫天人師佛世尊劫名喜滿國名意樂其土平正玻瓈爲地寶樹莊嚴散珍珠華周徧清淨見者歡喜多諸天人菩薩聲聞其數無量佛壽二十四小劫正法住世四十小劫像法亦住四十小劫爾時世尊欲重宣此義而說偈言

我此弟子大目犍連捨是身已得見八千二百

法華通義 卷三
萬億諸佛世尊爲佛道故供養恭敬於諸佛所
常修梵行於無量劫奉持佛法諸佛滅後起七
寶塔長表金刹華香伎樂而以供養諸佛塔廟
漸漸具足菩薩道已於意樂國而得作佛號多
摩羅梅檀之香其佛壽命二十四劫常爲天人
演說佛道聲聞無量如恒河沙三明六通有大
威德菩薩無數志固精進於佛智慧皆不退轉
佛滅度後正法當住四十小劫像法亦爾我諸
弟子威德具足其數五百皆當授記於未來世

咸得成佛我及汝等宿世因緣吾今當說汝等
善聽

此目連得記也。目連因記事佛少於梅延。而
佛滅度後造塔供佛則二百萬億越數更多。
亦由功行造進不一也。目連宿習神通第一。
則果號梅檀香。然香有清遠潛通神通之象。
也。眷屬亦等。但壽命少長亦隨機感法住四
十小劫甚久。則願力所持也。然諸聲聞人。一
向皆有佛道長遠之怖者。以未見實果可期。

法苑珠林卷三
夢無歸宿。故生怖耳。今授記作佛。猶經多劫。而不怖者。以有實果在前。取證有時。則宿習易捨。以小乘所重。名言習氣。不得佛語。則此心不安。是知授記之事。卽以名言而策進之。如止啼黃葉。正以模出模之意耳。如人素以夢事爲吉凶之兆。必以圓夢語爲準。然夢豈真吉凶耶。漢武帝時。有人善圓夢。帝以假夢試之。曰。朕夢殿瓦二片。化一對鴛鴦飛去。其人曰。宮中必有相殺者。頃卽報云。宮人有相殺而死者。帝曰。朕戲之耳。非夢也。何以應人曰。夢者。神之所至也。神動而吉凶隨之。故諸佛說法度生。如說夢事信矣。我諸弟子。下十句起後。因緣之說也。

妙法蓮華經化城喻品第七

此品來意。由前五人俱得授記。座中尙有一類鈍根聲聞。向以佛果菩提。非已智分。狹劣習氣未忘。將謂彼爲唱導之首。宜乎得記。而此輩猶懷絕分之心。故世尊遠引塵劫已前

大通佛時十六王子教化之宿因曾下一乘之緣種。自是以來生生受化今緣已熟止是印許之時。以破大衆執著之疑。躍然發起慕大之心。以除宿習。故廣引大通之往事。十六王子講法之因緣。以顯緣因佛性也。故說化城一喻。原是虛設。以明三乘畢竟是權。爲止怖遠疲勞之衆。令衆暫息。可進寶所。以此開發策進鈍根。故大衆聞說頓悟。昔因自信成佛。乃各得授記。故此品來也。

佛告諸比丘。乃往過去無量無邊不可思議阿僧祇劫。爾時有佛名大通智勝。如來應供正徧知。明行足。善逝。世間解。無上士。調御丈夫。天人師。佛世尊。其國名好城。劫名大相。諸比丘。彼佛滅度已來。甚大久遠。譬如三千大千世界所有地種。假使有人磨以爲墨。過於東方千國土。乃下一點。大如微塵。又過千國土。復下一點。如是展轉盡地種。墨於汝等意云何。是諸國土若筭師。若筭師弟子。能得邊際。知其數不。不也。世尊。

諸比丘是人所經國土若點不點盡抹爲塵一塵一劫彼佛滅度已來復過是數無量無邊百千萬億阿僧祇劫我以如來知見力故觀彼久遠猶若今日爾時世尊欲重宣此義而說偈言我念過去世無量無邊劫有佛兩足尊名大通智勝如人以力磨三千大千土盡此諸地種皆悉以爲墨過於千國土乃下一塵點如是展轉點盡此諸塵墨如是諸國土點與不點等復盡抹爲塵一塵爲一劫此諸微塵數其劫復過是

彼佛滅度來如是無量劫如來無礙智知彼佛滅度及聲聞菩薩如見今滅度諸比丘當知佛智淨微妙無漏無所礙通達無量劫

此如來遠引大通智勝之本因以證現今法會之緣種也佛號大通智勝者乃一切種智諸佛法身之果體衆生本有之佛性也唯此智體超法界量故云大徹聖凡情故云通常然不昧故云智乃勝義中真勝義性故云勝以此智最勝故用不離體故十號具足常住

法苑珠林卷三
寔光故國名好城。空刳已前。故刳名大相。衆生背此智體。其來無始。故云過不可思議。阿僧祇刳也。寔音以華嚴法界觀真空絕相理事無礙。周徧含容。三種觀門。釋大通智三字。三義具足爲勝。此最稱理。但此言本具。觀言修顯。似有先後耳。此智又名無師智。自然智。諸佛證此智體。名一切種智。華嚴云。奇哉奇哉。一切衆生。具有如來智慧德相。但以妄想顛倒執著而不證得。若離妄想顛倒執著。則

一切智。無師智。自然智。當下現前。是知此智爲一切諸佛之果體。一切衆生之佛性也。以二乘迷此本智。故皆言昔失。將謂絕無成佛之分。前雖授五人記。乃諦信佛心而不疑者。尚有劣解。下根執著二乘名言習氣。昔失之疑。不亡。今雖聞記。而疑情未盡。不悟不失之。所以故佛特說。因緣推原。佛性之本。無始自來。不失。故的指大通之往事。明見如今。則未來授記得果之事。亦不虛妄。所謂以因緣破

法華通義 卷三
下根之執也。前歷言佛智非二乘所知。然佛
果海功德難思。此亦不知之一端也。彼佛滅
度已來甚大久遠者。正顯法身隱而不現。衆
生迷之蓋已久矣。故說塵墨之劫。以況之。歷
大千世界以爲墨。將爲地種。就十方內。且以
東方過千國土。下墨一點。大如微塵。是則經
千國土。纔一點耳。如是展轉東行。又過國土
如初次第點之。有墨點者。已不可知。非筭師
所及。況點與未點。盡抹爲塵。此塵之數。已極

多矣。以此一塵爲一劫。則劫可量哉。此則推
原其始無始也。彼佛滅度已來。復過是數。足
徵衆生迷此佛性。其來久矣。豈二乘可知耶。
然請對上根。但云成佛已來。不言其時。對中
根。言教化之事。但言二萬億佛。所謂舉一隅
也。今對下根。則極盡塵劫之量者。以劣解二
乘。向存斷滅始終之見。陋習難祛。非此不足
以破之。此如來接引之方便也。且以如來知
見觀彼久遠。猶若今日。況我如來。應世四十

法華通義 卷三
季來不離剎那際三昧豈虛言哉。故如來所說真實不虛。下根聞此雖顛蒙之極。不得不信佛真實之說也。佛爲二乘苦心。則火宅長者及窮子之父。豈能盡佛真慈哉。偈云。佛智淨微妙。無漏無所礙。通達無量劫。是知佛智前觀無始。則後觀無終。卽授記弟子成佛之事。至遠不過三百萬億劫數。佛眼觀之。如目前耳。可不信乎。

佛告諸比丘。大通智勝佛壽五百四十萬億那

由他劫其佛本坐道場。破魔軍已。垂得阿耨多羅三藐三菩提。而諸佛法不現。在前如是一小劫。乃至十小劫。結加趺坐。身心不動。而諸佛法猶不在前。爾時忉利諸天。先爲彼佛於菩提樹下敷師子座。高一由旬。佛於此坐。當得阿耨多羅三藐三菩提。適坐此座時。諸梵天王。雨衆天華。面百由旬。香風時來吹去。萎華更雨。新者如是。不絕滿十小劫。供養於佛。乃至滅度。常雨此華。四王諸天。爲供養佛。常擊天鼓。其餘諸天作

法華通義 卷三
天伎樂滿十小劫至於滅度亦復如是諸比丘
大通智勝佛過十小劫諸佛之法乃現在前成
阿耨多羅三藐三菩提

此言大通智勝佛從法垂應之跡也。佛壽五
百萬億那由他劫。特舉應緣之跡耳。言本坐
道場則出真兆聖應現之始也。善得菩提以
佛佛出現必示初成正覺故云。垂得善者將
也。問曰佛既示現不必更得而云垂得菩提
佛法不現者何耶。答此待機也。所謂佛真法

身猶若虛空。應物現形。如水中月。衆生心水
淨。菩提影現中。華嚴經云。毘盧遮那於一切
衆生身中成等正覺。是知佛本非身以衆生
爲身。今大通智佛有應無感。故垂得菩提而
佛法不現在前。正以衆生心器未淨。故十小
劫以待時耳。結加趺坐身心不動者。所謂正
入剎那際三昧。卽首言無量義處三昧也。今
釋尊應身待四十季。豈爲久耶。忉利諸天先
就菩提樹下敷座以待者。正顯不離菩提樹

下而徧應也。適坐此座則諸天雨華作樂乃
至滅度者顯佛出現始終不起刹那際三昧
也。序品光中圓現諸佛始終將謂光中之境
耳。今則直顯此經皆說光中之實事也。過十
小劫佛法現前乃得菩提者機感契會心境
絕待之時也。古云若識佛性義當觀時卽因
緣。是知今說佛慧因緣要待機緣契會非時
不敢強說也。

其佛未出家時有十六子其第一者名曰智積
諸子各有種種珍異玩好之具聞父得成呵耨
多羅三藐三菩提皆捨所珍往詣佛所諸母涕
泣而隨送之其祖轉輪聖王與一百大臣及餘
百千萬億人民皆共圍繞隨至道場咸欲親近
大通智勝如來供養恭敬尊重讚歎到已頭面
禮足繞佛畢已。

此原始釋迦之本因也。大通智勝蓋明一切
種智。今云其佛未出家時有十六子者明一
切種智皆由轉識而成也。以述此智成阿賴

法華通義 卷三
耶識乃在纏生死之名也。而此識體其用有八。前云日月燈明。而有八子者。是單約識言。故名有意。今云十六。而名智積。蓋約識本於智以迷。則轉智成識。其用有八。悟則轉識成智。其用有四。然成所作智。其用有五。故亦有八。今約真妄一體。故云十六。而四智圓滿。通名一切種智。故其子名智積。言未出家時。特在纏之名耳。若剋果體。則真妄不二。父子情亡矣。釋迦本因為第十六子。則權實可知。諸

子各有等者。謂本識未轉。則諸識皆有染污。無知貪染等事。本識一轉。則諸識齊轉。頓破發業潤生二種無明。故云聞父出家。皆捨所珍。始覺合本。故云往詣佛所。經云無明以為父。合愛以為母。今識既轉。智則貪愛煩惱返。滋智用。故云諸母涕泣而隨送之。以愛難捨。不得不捨也。其祖轉輪聖主等者。識論阿賴耶外。別立九識。名白淨識。亦即真如。今賴耶一轉。則心所百法。并諸微細煩惱。一時齊轉。

法華通義 卷三
皆與真如爲大智用。故其祖轉輪聖王與一百大臣及餘人民皆共圍繞隨至道場也。一心合掌瞻仰世尊以偈頌曰

大威德世尊爲度衆生故於無量億歲爾乃得成佛諸願已具足善哉吉無上世尊甚希有一坐十小劫身體及手足靜然安不動其心常懼怕未曾有散亂究竟永寂滅安住無漏法今者見世尊安隱成佛道我等得善利稱慶大歡喜衆生常苦惱盲瞶無導師不識苦盡道不知求

解脫長夜增惡趣滅損諸天衆從冥入於冥永不聞佛名今佛得最上安隱無漏道我等及天人爲得最大利是故咸稽首歸命無上尊爾時十六王子偈讚佛已勸請世尊轉於法輪咸作是言世尊說法多所安隱憐愍饒益諸天人民重說偈言

世雄無等倫百福自莊嚴得無上智慧願爲世間說度脫於我等及諸衆生類爲分別顯示令得是智慧若我等得佛衆生亦復然世尊知衆

生深心之所念亦知所行道又知智慧力欲樂
及修福宿命所行業世尊悉知已當轉無上輪
此王子讚佛出世專爲利益天人也。大威德
下六句讚佛功圓得果。世尊甚希有下八句
讚佛入定待機。今者下四句自慶善利。衆生
常苦惱下八句言當化之機。今佛下六句慶
自他俱利也。讚已請轉法輪顯佛出世本爲
安隱憐愍衆生非徒然也。故請說法。世雄無
等倫四句請說實智也。度脫於我等下六句

請佛說權智也。世尊知我心下八句請佛必
用開權以應衆生之機也。

佛告諸比丘大通智勝佛得阿耨多羅三藐三
菩提時十方各五百萬億諸佛世界六種震動
其國中聞幽冥之處日月威光所不能照而皆
大明其中衆生各得相見咸作是言此中云何
忽生衆生又其國界諸天宮殿乃至梵宮六種
震動大光普照徧滿世界勝諸天光。

此如來特爲下根開佛知見也。梵語毘盧遮

那此云光明徧照。卽大通智。而云成佛爲一切種智也。此智爲一切衆生本有之佛知見。佛爲此故出現世間。名爲一大事因緣。以衆生一迷。此智而爲無明固結。根身器界隔礙而不通。故但爲妄想煩惱之所動亂。日用而不知。故造妄業。妄遭衆苦。故佛以同體大悲。出現世間。而開示之。使其悟入。以出生死。此乃如來出世之本懷也。衆生一明。此智卽當下是佛。此義驚人。非劣根所堪。故待時熟而

說此法華一會通顯四十季來。皆爲此事之本懷。然非輕易可遽說者。所言開示者。以言開曉。以事指示。故法會之初。先放一光。照東方萬八千世界。圓現法界事相。生佛始終。是舉此智全體之一隅。以爲開佛知見之前茅。將謂弟子根機旣熟。可不言而喻矣。且此智境在彌勒補處。尚且懷疑。故借文殊七佛之師代爲說破。引燈明之本始。證今佛之瑞相。是第一番示佛知見也。法會蒼然未曉。又假

世尊出定懇勤稱歎方便。開示至方便品末。世尊已爲極力宣揚矣。止得身子一人領悟。是知衆生之迷固已深矣。又說火宅一喻。三界衆苦之狀。可謂詳悉。如示諸掌矣。且又止得四人領悟。然在會千二百衆。猶然睡夢之中也。柰之何哉。信乎其智慧門難解難入也。故佛說宿世因緣。明以告之。遠引大通智勝之本始。以爲今日之因緣。特爲下根之人。大發明之。初則眉炎待放。而後照。但見東方。今

則本有之智。炎不屬收放。而常明者。故幽暗之處。而皆大明。是則本然不昧之智體。衆生日用而不知。今智體忽然現前。則衆生各各頓知本有。故咸言此中云何。忽生衆生也。奇哉。奇哉。大光徧滿。則通照十方。此又特爲下根第二番示佛知見也。此猶遠引古佛。若向下現寶塔品。則爲大衆指在目前。乃第三番示佛知見也。其十方天王尋光請佛。皆廣方便品末時。諸梵天王等未盡之意也。

爾時東方五百萬億諸國土中梵天宮殿光明
照耀倍於常明諸梵天王各作是念今者宮殿
光明昔所未有以何因緣而現此相是時諸梵
天王卽各相詣共議此事時彼衆中有一大梵
天王名救一切爲諸梵衆而說偈言
我等諸宮殿光明昔未有此是何因緣宜各共
求之爲大德天生爲佛出世間而此大光明徧
照於十方

衣祴盛諸天華共詣西方推尋是相見大通智
勝如來處於道場菩提樹下坐師子座諸天龍
王乾闥婆緊那羅摩睺羅伽人非人等恭敬圍
繞及見十六王子請佛轉法輪卽時諸梵天王
頭面禮佛繞百千匝卽以天華而散佛上其所
散華如須彌山并以供養佛菩提樹其菩提樹
高十由旬華供養已各以宮殿奉上彼佛而作
是言惟見哀愍饒益我等所獻宮殿願垂納處
時諸梵天王卽於佛前一心同聲以偈頌曰

法華通義 卷三
世尊甚希有難可得值遇具無量功德能救護
一切天人之大師哀愍於世間十方諸衆生普
皆蒙饒益我等所從來五百萬億國捨深禪定
樂爲供養佛故我等先世福宮殿甚嚴飾今以
奉世尊惟願哀納受

爾時諸梵天王偈讚佛已各作是言惟願世尊
轉於法輪度脫衆生開涅槃道時諸梵天王一
心同聲而說偈言

世雄兩足尊惟願演說法以大慈悲力度苦惱

衆生

爾時大通智勝如來默然許之又諸比丘東南
方五百萬億國土諸大梵王各自見宮殿光明
照耀昔所未有歡喜踊躍生希有心卽各相詣
共議此事時彼衆中有一大梵天王名曰大悲
爲諸梵衆而說偈言

是事何因緣而現如此相我等諸宮殿光明昔
未有爲大德天生爲佛出世間未曾見此相富
共一心求過千萬億土尋光共推之多是佛出

法華通義 卷三
世度脫苦衆生

爾時五百萬億諸梵天王與宮殿俱各以衣祴盛諸天華共詣西北方推尋是相見大通智勝如來處於道場菩提樹下坐師子座諸天龍王乾闥婆緊那羅摩睺羅伽人非人等恭敬圍繞及見十六王子請佛轉法輪時諸梵天王頭面禮佛繞百千匝即以天華而散佛上所散之華如須彌山并以供養佛菩提樹華供養已各以宮殿奉上彼佛而作定言惟見哀愍饒益我等

所獻宮殿願垂納受爾時諸梵天王卽於佛前一心同聲以偈頌曰

聖主天中王迦陵頻伽聲哀愍衆生者我等今敬禮世尊甚希有久遠乃一現一百八十劫空過無有佛三惡道充滿諸天衆減少今佛出於世爲衆生作眼世間所歸趣救護於一切爲衆生之父哀愍饒益者我等宿福慶今得值世尊爾時諸梵天王偈讚佛已各作是言惟願世尊哀愍一切轉於法輪度脫衆生時諸梵天王一

法華通義 卷三
心同聲而說偈曰

大聖轉法輪顯示諸法相度苦惱衆生令得大
歡喜衆生聞此法得道若生天諸惡道減少恐
善者增益

爾時大通智勝如來默然許之又諸比丘南方
五百萬億國土諸大梵王各自見宮殿光明照
耀昔所未有歡喜踊躍生希有心卽各相詣共
議此事以何因緣我等宮殿有此光耀而彼衆
中有一大梵天王名曰妙法爲諸梵衆而說偈

言

我等諸宮殿光明甚威耀此非無因緣是相宜
求之過於百千劫未曾見是相爲大德天生爲
佛出世間

爾時五百萬億諸梵天王與宮殿俱各以衣祴
盛諸天華共詣北方推尋是相見大通智勝如
來處於道場菩提樹下坐師子座諸天龍王乾
闥婆緊那羅摩睺羅伽人非人等恭敬圍繞及
見十六王子請佛轉法輪時諸梵天王頭面禮

佛繞百千匝卽以天華而散佛上所散之華如須彌山并以供養佛菩提樹華供養已各以宮殿奉上彼佛而作是言惟見哀愍饒益我等所獻宮殿願垂納受爾時諸梵天王卽於佛前一心同聲以偈頌曰

世尊甚難見破諸煩惱者過百三十劫今乃得一見諸饑渴衆生以法雨充滿昔所未曾覩無量智慧者如優曇鉢華今日乃值遇我等諸宮殿蒙光故嚴飾世尊大慈愍惟願垂納受

爾時諸梵天王偈讚佛已各作是言惟願世尊轉於法輪令一切世間諸天魔梵沙門婆羅門皆獲安隱而得度脫時諸梵天王一心同聲以偈頌曰

惟願天人尊轉無上法輪擊於大法鼓而吹大法螺普雨大法雨度無量衆生我等咸歸請當演深遠音

爾時大通智勝如來默然許之西南方乃至下方亦復如是爾時上方五百萬億國土諸大梵

王皆悉自觀所止宮殿光明威耀昔所未有歡
喜踊躍生希有心卽各相詣共議此事以何因
緣我等宮殿有斯光明時彼衆中有一大梵天
王名曰尸棄爲諸梵衆而說偈言

今以何因緣我等諸宮殿威德光明耀嚴飾未
曾有如是之妙相昔所未聞見爲大德天生爲
佛出世間

爾時五百萬億諸梵天王與宮殿俱各以衣祴
盛諸天華共詣下方推尋是相見大通智勝如

來處於道場菩提樹下坐師子座諸天龍王乾
闥婆緊那羅摩睺羅伽人非人等恭敬圍繞及
見十六王子請佛轉法輪時梵天王頭面禮
佛繞百千卽以天華而散佛上所散之華如
須彌山并以供養佛菩提樹華供養已各以宮
殿奉上彼佛而作是言惟見哀愍饒益我等所
獻宮殿願垂納處時梵天王卽於佛前一心
同聲以偈頌曰

善哉見諸佛救世之聖尊能於三界獄勉出諸

法華通義 卷三
衆生普智天人尊哀愍群萌類能開甘露門廣
度於一切於昔無量劫空過無有佛世尊未出
時十方常闇暝三惡道增長阿修羅亦盛諸天
衆轉滅死多墮惡道不從佛聞法常行不善事
色力及智慧斯等皆減少罪業因緣故失樂及
樂想住於邪見法不識善儀則不蒙佛所化常
墮於惡道佛爲世間眼久遠時乃出哀愍諸衆
生故現於世間超出成正覺我等甚欣慶及餘
一切衆喜歎未曾有我等諸宮殿蒙光故嚴飾

今以奉世尊惟垂哀納受願以此功德普及於
一切我等與衆生皆共成佛道

爾時五百萬億諸梵天王偈讚佛已各自佛言
惟願世尊轉於法輪多所安隱多所度脫時諸
梵天王而說偈言

世尊轉法輪擊甘露法鼓度苦惱衆生開示涅
槃道惟願受我請以大微妙音哀愍而敷演無
量劫習法

此言智勝始坐道場諸天梵王請轉法輪也

法華通義 卷三
方便品末釋尊自敘始坐道場觀樹經行三
七思惟。意欲將一乘法。分別說三進退未決
時。諸天梵王請佛開漸。由是遂說三乘。以尋
念過去佛所行方便力。亦應說三乘。今則大
通智勝佛十方梵天一時普請。及出定所說
乃四諦法。是知前言過去佛卽今之智勝明
矣。斯則釋尊爲智勝之子。而說法仰遵其本
師。是爲祖述之家法也。前但泛泛略敘。今則
實指所以爲下根設也。凡諸佛出現於世。皆

以釋梵諸天爲請王例。應然也。智勝光遍十
方。諸天各隨所向。尋究而來。前藥草喻云。我
是如來等。是以言召。此以光召。及其說法。皆
一律也。足徵諸佛種種方便。皆爲一乘。固無
疑矣。然諸天覲佛獻供。皆同讚辭。各別。但無
佛出世時。却不。同。東南方言一百八十劫。南
方言百三十劫。上方云。昔無量劫。空過。無有
佛。是皆各隨機感之不同。抑見智勝光照之
遠大。以大梵天王爲娑婆界主。今言十方各

法華通義 卷三
五百萬億國土諸大梵王。則佛光所照極法界之量。通爲一土。則與眉炎所照東方萬八千土天淵矣。惟佛智慧難解難知。在上根可舉一隅。至若下根非已智分。不得不爲盡情吐露。使其了然自信。故知此輩鈍根。非此不能令生信解。此如來所爲善巧方便也。

爾時大通智勝如來受十方諸梵天王及十六王子請。卽時三轉十二行法輪。若沙門婆羅門。若天魔梵及餘世間所不能轉。謂是苦是苦集。

是苦滅是苦滅道。

此智勝受請說法也。三轉十二行法輪。乃說四諦法也。三轉者。謂示相勸修作證。初轉示相。謂此是苦逼迫性。等示四諦之相也。次轉勸修。謂此是苦汝應知。等勸令厭苦斷集。慕滅修道也。作證轉者。謂我已知等。以已證彼也。二乘聞之。隨聲卽悟。故云聲聞。舊解謂三轉令入見修無學三位是已。又云十二行者。寂音謂令聞法者發生無漏真聖慧眼。於每

法華通義 卷三
諦中觀三世爲總。又每諦中觀過去爲智。觀
未來爲明。觀現在爲覺。別爲四諦。如是一轉
總別四行。故爲三轉十二行也。諦者審諦。又
諦實。又真實。凡夫在苦而不審諦。二乘審知
是實而不知真實。菩薩達苦性空。四諦名一。
實通大小。故天台釋四諦有四。謂生滅。無生
無量無作。隨四教之不同。藏教小乘。但知生
滅而不知無生。通教雖知無生而不知無量
無作。別教則無量。圓教則無作。唯一四諦各

隨所見之不同也。方便品釋迦受請則曰將
一乘法分別說三。今大通受請則直說小法
而不更言分別者。正爲下根釋昔權卽實之
疑也。以一向小乘不知是權。故方便品特爲
開權顯實。而上根已領中根未悟。三假一實
之義。故說火宅喻。三車一車令其領悟。然諸
小乘雖知昔權而不知權卽是實。故說藥草
喻。以一雨無私。三草二木隨根受潤。以顯法
本是一。但機有異耳。中根雖悟而下根猶疑

法華通義 卷三
不達法一。機異之旨。故遠引大通說法之因緣。以顯法一。正應藥草一雨之意。故今智勝受請說法。不言分別說三。但直說四諦。隨根領悟大小之不同。然四諦一法耳。而小乘聞之則唯悟生滅。通教聞之則悟無生。別教聞之則悟無量。圓教聞之則悟無作。豈非法一機異耶。故華嚴名四聖諦。地上所修亦四諦。法況小乘乎。故如來說法。其智慧門難解難入者此也。

及廣說十二因緣法。無明緣行。行緣識。識緣名色。名色緣六入。六入緣觸。觸緣受。受緣愛。愛緣取。取緣有。有緣生。生緣老死。憂悲苦惱。無明滅則行滅。行滅則識滅。識滅則名色滅。名色滅則六入滅。六入滅則觸滅。觸滅則受滅。受滅則愛滅。愛滅則取滅。取滅則有滅。有滅則生滅。生滅則老死憂悲苦惱滅。佛於天人大衆之中。說是法時。六百萬億那由他人。以不受一切法。故而於諸漏心得解脫。皆得深妙禪定。三明六通具

法華通義 卷三
八解脫第二第三第四說法時千萬億恒河沙
那由他等衆生亦以不受一切法故而於諸漏
心得解脫從是已後諸聲聞衆無量無邊不可
稱數

此廣四諦說十二因緣法也。十二因緣乃中
乘法。有流轉還滅二門。從無明緣行至生緣
老死憂悲苦惱爲流轉門。廣苦集二諦世間
因果也。自無明滅至憂悲苦惱滅爲還滅門。
廣滅道二諦出世間因果也。小乘以集諦爲

苦本。集乃三毒等諸煩惱也。中乘則言無明
爲三毒煩惱集諦之因。則深進述原故爲利
根說也。無明者謂妙性本明。但因一念妄動
俄然晦昧。迷本圓明。故號無明。以本體湛然
因無明鼓動。故有遷流。故名爲行。旣遷其體
則智轉成識矣。故行緣識。此三支乃過去本
起之因也。然因必有果。故識爲生死結根。以
智本無名無相。今識攬四大色心和合有名
有相。故爲名色。此初投胎之始。受形之原。在

胎凝滑之相也。既入其胎五七三十五日六
根完具故名六入。六根既具形成出胎。根與
塵接故爲觸。領納所觸違順之境故爲受。此
五支乃現在之果也。受必生愛。愛必執取。取
必造業。既造其業。後果不亡。故爲有。此現在
三支因也。既有業因。而後果隨之。故爲生。生
緣老死等。此未來二支果也。三世循環生死
相續窮劫不斷。故爲生死衆苦之因緣。通爲
苦集二諦。中乘修斷但觀無明一滅。則餘十

一支一齊皆滅。如倒樹根斷則枝葉齊倒。乃
利根修斷之行是爲滅道二諦也。故云廣說
十一因緣等。佛於天人下初會聞法獲益之
衆也。不受一切法悟空理也。言諸漏者。漏有
三種。謂欲漏。有漏。無明漏。今云心得解脫。謂
枝末緣斷則根本無明伏而不起。是爲解脫。
非斷無明爲大解脫也。禪定三明等皆二乘
所證之果。第二第三等言其次諸會亦說諦
緣之法。而小乘得度者衆。故云不可稱數。

法華通義 卷三
爾時十六王子皆以童子出家而爲沙彌諸根
通利智慧明了已曾供養百千萬億諸佛淨修
梵行求阿耨多羅三藐三菩提俱自佛言世尊
是諸無量千萬億大德聲聞皆已成就世尊亦
當爲我等說阿耨多羅三藐三菩提法我等聞
已皆共修學世尊我等志願如來知見深心所
念佛自證知爾時轉輪聖王所將衆中八萬億
人見十六王子出家亦求出家王卽聽許
此王子請說大乘之法也十六王子初捨珍

愛親近智勝請轉法輪其所請者但云安隱
天人雖不言小而意在小小故智勝先說諦
緣之法故如今釋尊初說阿舍漸教也諸小
乘人旣已得度故諸王子皆以童子出家特
請佛說無上菩提成佛之大法自陳深心本
願則志願成佛非二乘所知故王子爲請也
王子出家乃諸識出纏之象諸識旣轉則一
切根本枝末煩惱一齊都轉爲真如妙用故
轉輪王所將臣民八萬億人俱出家也以諸

識俱轉爲智用乃成佛之真因。所以請說大法也。

爾時彼佛受沙彌請過二萬劫已乃於四衆之中說是大乘經名妙法蓮華教菩薩法佛所護念說是經已十六沙彌爲阿耨多羅三藐三菩提故皆共受持諷誦通利說是經時十六菩薩沙彌皆悉信受聲聞衆中亦有信解其餘衆生千萬億種皆生疑惑佛說是經於八千劫未會休廢說是經已卽入靜室在於禪定八萬四千

劫是時十六菩薩沙彌知佛入室寂然禪定各升法座亦於八萬四千劫爲四部衆廣說分別妙法華經一一皆度六百萬億那由他恒河沙等衆生示教利喜令發阿耨多羅三藐三菩提心大通智勝佛過八萬四千劫已從三昧起往詣法座安詳而坐普告大衆是十六菩薩沙彌甚爲希有諸根通利智慧明了已曾供養無量千萬億數諸佛於諸佛所常修梵行受持佛智開示衆生令入其中汝等皆當數數親近而供

養之所以者何若聲聞辟支佛及諸菩薩能信
是十六菩薩所說經法受持不毀者是人皆當
得阿耨多羅三藐三菩提如來之慧佛告諸比
丘是十六菩薩常樂說是妙法蓮華經一一菩
薩所化六百萬億那由他恒河沙等衆生世世
所生與菩薩俱從其聞法悉皆信解以此因緣
得值四萬億諸佛世尊於今不盡

此智勝受請說大法也然已受請而猶過二
萬劫乃說妙法華經者蓋待時熟而說亦若

今日也以彼壽長故待時亦久宜其然矣及
說妙法獨十六王子爲當機故能受持皆悉
信受其餘聲聞亦有信解者然未能持也其
餘衆生皆生疑惑者正是當時遺塵爲今日
之當機也以疑惑者衆故說時亦久經八千
劫今說此經不滿數年而收機已盡特約緣
熟者止此耳其未熟者又爲將來之緣種也
釋尊說此經已不久卽入涅槃者以化緣已
畢而智勝乃入靜室禪定者以待十六王子

法華通義 卷三
之成熟。欲以妙法傳續無窮。所謂護念付囑。教菩薩法。於時王子說法華經是。則王子乃妙法之鼻祖。而成佛度生至今未出大通三昧也。智勝入定八萬四千劫者。表衆生八萬四千煩惱。爲諸佛禪定之門。菩薩妙行之智。用。故能度六百萬億那由他恒河沙等之衆生。表轉六識微細之煩惱。皆爲成佛之妙行。故令皆發菩提心也。是知疑惑衆生。不假知識。久久熏習之功。何由能生正信哉。誠哉難

信難解。而此會猶有退席之衆耳。智勝出定。印證十六沙彌善說法要。叮嚀大衆皆當數數親近供養。正爲今日之緣種矣。所以者何。下釋教親近之意。以三乘人。但能信是十六沙彌之說者。皆得如來智慧之大益。所以教令親近耳。佛告諸比丘下。正示昔爲今日緣種也。十六菩薩常說妙法。所化衆生。世世不離久而自信。正顯聞熏之功也。故歷值多佛。至今不盡。以顯妙法淵源而來直。至今日。豈

法華通義 卷三
小緣哉

諸比丘我今語汝彼佛弟子十六沙彌今皆得
阿耨多羅三藐三菩提於十方國土現在說法
有無量百千萬億菩薩聲聞以爲眷屬其二沙
彌東方作佛一名阿閼在歡喜國二名須彌頂
東南方二佛一名師子音二名師子相南方二
佛一名虛空住二名常滅西南方二佛一名帝
相二名梵相西方二佛一名阿彌陀二名度一
切世間苦惱西北方二佛一名多摩羅跋旃檀

香神通二名須彌相北方二佛一名雲自在二
名雲自在王東北方佛名壞一切世間怖畏第
十六我釋迦牟尼佛於娑婆國土成阿耨多羅
三藐三菩提

此十六王子以說妙法之功各得成佛示現
八方名號不同蓋隨德稱名舊解約八卦以
釋之固爲有理學者不無牽合釋迦牟尼出
現娑婆名堪恐土特隨本願故於難忍世界
教化衆生非深慈大願誰能此哉壽量品云

法華通義 卷三
我實成佛以來甚大久遠。此云比已成佛出現娑婆。然今釋迦爲毘盧之應身。是知三身一體。久近情亡。是爲佛不思議力也。

諸比丘我等爲沙彌時各各教化無量百千萬億恒河沙等衆生。從我聞法爲阿耨多羅三藐三菩提。此諸衆生於今有住聲聞地者。我常教化阿耨多羅三藐三菩提。是諸人等應以是法漸入佛道。所以者何。如來智慧難信難解。爾時所化無量恒河沙等衆生者。汝等諸比丘及我滅度後未來世中聲聞弟子是也。

此釋尊述往昔教化之事。正爲今日之緣種也。始而釋迦。但以妙法一乘成佛之種子。教化無量之衆生。皆已從佛發菩提心。已而今有住聲聞地者。此言自後退墮。前云我昔教化。志願佛道。汝今悉忘者是也。以是原以大法教化。汝欲令成佛。汝等忘之。故我今日應當以此三乘令汝漸得佛道。此往昔之因緣。皎然。汝等但執昔權。不達如來真實之義。所以

法華通義 卷三
如來智慧難信難解也。爾時所化之衆卽汝等現前受教之弟子。今日緣熟得道之時也。其有不能得記者而昔因猶在。又爲將來之緣。則我滅度未來世中聲聞弟子是也。豈有昧其本因哉。

我滅度後復有弟子不聞是經不知不覺菩薩所行自於所得功德生滅度想當入涅槃我於餘國作佛更有異名是人雖生滅度之想入於涅槃而於彼土求佛智慧得聞是經唯以佛乘而得滅度更無餘乘除諸如來方便說法。

此言廣爲未來得度之因緣也。然我所化弟子今生不能盡受佛教。若我滅後有不信此經貪著小乘者則我於餘國作佛更有異名。又爲度脫之因緣。卽於餘國受化亦必從此經而入。更無餘乘除諸方便之說是知佛佛度生成佛皆說此經爲究竟也。餘國作佛如華嚴名號品佛有四百億十千名。蓋隨機應現之號。然名異而實不異。故皆以妙法開示。

法華通義 卷三
衆生佛慧也

諸比丘若如來自知涅槃時到衆又清淨信解堅固了達空法深入禪定便集諸菩薩及聲聞衆爲說是經世間無有二乘而得滅度唯一佛乘得滅度耳

此結顯終實也。諸佛出世雖爲一大事因緣一定先說三乘引導待機熟時至化緣將畢然後乃說此經盡廢昔權獨顯一實。此諸佛利生之法式也。衆又清淨正言機熟堪授之

人故集諸菩薩爲說此經。各各授記作佛。方盡出世本壞也。

比丘當知如來方便深入衆生之性知其志樂小法深著五欲爲是等故說於涅槃是人若聞則便信受譬如五百由旬險難惡道曠絕無人怖畏之處若有多衆欲過此道至珍寶處有一導師聰慧明達善知險道通塞之相將導衆人欲過此難所將人衆中路懈怠白導師言我等疲極而復怖畏不能復進前路猶遠今欲退還

法華通義 卷三
導師多諸方便而作是念此等可愍云何捨大
珍寶而欲退還作是念已以方便力於險道中
過三百由旬化作一城告衆人言汝等勿怖莫
得退還今此大城可於中止隨意所作若入是
城快得安隱若能前至寶所亦可得去是時疲
極之衆心大歡喜歎未曾有我等今者免斯惡
道快得安隱於是衆人前入化城生已度想生
安隱想爾時導師知此人衆既得止息無復疲
倦卽滅化城語衆人言汝等去來寶處在近向

者大城我所化作爲止息耳諸比丘如來亦復
如是今爲汝等作大導師知諸生死煩惱惡道
險難長遠應去應度若衆生但聞一佛乘者則
不欲見佛不欲親近便作是念佛道長遠久受
勤苦乃可得成佛知是心性弱下劣以方便力
而於中道爲止息故說二涅槃若衆生住於二
地如來爾時卽便爲說汝等所作未辦汝所住
地近於佛慧當觀察籌量所得涅槃非真實也
但是如來方便之力於一佛乘分別說三如彼

法華通義 卷三
導師爲止息故化作大城。旣知息已而告之言
寶處在近。此城非實我化作耳。

此將開化城引進之喻。先立滯權爲喻本也。
如來所以先設漸教者。以方便權智觀察衆
生深心樂欲之不同。知其樂小難以語大。故
說小乘涅槃爲暫息耳。譬如下喻設漸意。五
百由旬。喻衆生流轉五道也。三毒充滿。故喻
惡道曠絕無人。喻衆生迷失本真。唯恣貪嗔
故云怖畏之處。珍寶處喻妙莊嚴海果覺報。

土多衆喻三乘之人。欲出生死而求作佛也。
西域商人求寶必有一爲導師。將引衆人。此
喻釋尊出世爲衆導師。引出五道。故云欲過
此難。所將人衆疲極欲退。喻二乘狹劣怖畏
佛道長遠。皆有止息之心也。導師方便等喻
釋尊方便施權也。過三百由旬。化作一城。喻
三界外設小乘涅槃爲中路止息之所也。疲
極衆喜喻慳三乘之心也。衆人入城。生安隱
想。喻小乘耽著涅槃不復前進也。導師知衆

法華通義 卷三
不疲卽滅化城喻今機熟廢權立實也。實處
在近喻佛果非遙肯進卽是。故不言里數。此
喻明爲下根開權顯實矣。諸比丘下。法合喻
本。知諸生死下。合知通塞。若衆生下。合怖遠
疲極。若但說佛乘而不開漸。則衆生怖畏佛
道長遠。是則不得不設方宜也。佛知是已。下
正合化城。二涅槃卽聲聞緣覺。二果也。若衆
生下。合衆止息卽滅化城。策進寶所也。一乘
佛慧卽是寶所。二乘已出三界險道。故云近。

於佛慧以權捨卽實。成佛無難。此開權顯實
之義也。

爾時世尊欲重宣此義而說偈言

大通智勝佛十劫坐道場佛法不現前不得成
佛道諸天神龍王阿修羅衆等常雨於天華以
供養彼佛諸天擊天鼓并作衆技樂香風吹萎
華更雨新好者過十小劫已乃得成佛道諸天
及世人心皆懷踊躍彼佛十六子皆與其眷屬
千萬億圍繞俱行至佛所頭面禮佛足而請轉

法輪聖師子法雨充我及一切世尊甚難值久
遠時一現爲覺悟群生震動於一切東方諸世
界五百萬億國梵宮殿光耀昔所未曾有諸梵
見此相尋來至佛所散華以供養并奉上宮殿
請佛轉法輪以偈而讚歎佛知時未至受請默
然坐三方及四維上下亦復爾散華奉宮殿請
佛轉法輪世尊甚難值願以本慈悲廣開甘露
門轉無上法輪無量慧世尊受彼衆人請爲宣
種種法四諦十二緣無明至老死皆從生緣有

如是衆過患汝等應當知宣暢是法時六百萬
億劫得盡諸苦際皆成阿羅漢第二說法時千
萬恆沙衆於諸法不受亦得阿羅漢從是後得
道其數無有量萬億劫算數不能得其邊時十
六王子出家作沙彌皆共請彼佛演說大乘法
我等及營從皆當成佛道願得如世尊慧眼第
一淨佛知童子心宿世之所行以無量因緣種
種諸譬喻說六波羅蜜及諸神通事分別真實
法菩薩所行道說是法華經如恒河沙偈彼佛

說經已靜室入禪定一心一處坐八萬四千劫
是諸沙彌等知佛禪未出爲無量億衆說佛無
上慧各各坐法座說是大乘經於佛宴寂後宣
揚助法化一一沙彌等所度諸衆生有六百萬
億恒河沙等衆彼佛滅度後是諸聞法者在在
諸佛土常與師俱生是十六沙彌具足行佛道
今現在十方各得成正覺爾時聞法者在在諸
佛所其有任聲聞漸教以佛道我在十六數會
亦爲汝說是故以方便引汝趣佛慧以是本因

緣今說法華經令汝入佛道慎勿懷驚懼

此頌因緣之事也大通智勝佛下十六句頌
智勝成佛彼佛十六子下四句頌王子見佛
頭面禮佛足下頌王子請法東方諸世界下
二十句頌十方梵王請轉法輪無量慧世尊
下八句頌受請開漸六百萬億姪下四句頌
初會說法二乘得益第二說法時下八句頌
二三四會多衆得益時十六王子下八句頌
王子請說大法佛知童子心下十句頌受請

法華通義 卷三
爲說妙法華經。言如恒河沙偈者。謂機廣時長。故所說之經。文言亦多如此。稱性應機之談。本無一定之法。故今經一期。止二十八品。燈明六十劫說。大通八千劫說。常不輕於威音王佛所則聞二十萬億偈。喜見於日月淨明德佛所聞八百萬億阿閼婆偈。此稱性之談。故廣略不同。所謂通方之說也。彼佛說經已下十六句。頌大通入定。王子說妙法華經。所度有恒河沙衆。彼佛滅度後四句。頌所化

之衆。世世爲得度之因緣。長行無滅度之文。偈中出之。是十六沙彌下四句。頌王子成佛。爾時聞法者下八句。頌十六佛皆說妙法。引入佛慧。是知所化之緣。其來久矣。以是本因緣下四句。頌今所化。昔本昔緣。原下成佛種子。故今作佛慎勿疑也。如此歷歷昔緣。卽下根昧劣。詎不信哉。譬如險惡道。迴絕多毒獸。又復無水草。人所怖畏。處無數千萬衆。欲過此險道。其路甚曠遠。經

法華通義 卷三
五百由旬時有一導師強識有智慧明了心決定在險濟衆難衆人皆疲倦而白藥師言我等今頓乏於此欲退還導師作是念此輩甚可懸如何欲退還而失大珍寶尋時思方便當設神通力化作大城郭莊嚴諸舍宅周有園林渠流及浴池重門高樓閣男女皆充滿卽作是化已慰衆言勿懼汝等入此城各可隨所樂諸人旣入城心皆大歡喜皆生安隱想自謂已得度導師知息已集衆而告言汝等當前進此是化

城耳我見汝疲極中路欲退還故以方便力權化作此城汝今勤精進當共至寶所我亦復如是爲一切導師見諸求道者中路而懈廢不能度生死煩惱諸險道故以方便力爲息說涅槃言汝等苦滅所作皆已辦旣知到涅槃皆得阿羅漢爾乃集大衆爲說真實法諸佛方便力分別說三乘唯有一佛乘息處故說二今爲汝說實汝所得非滅爲佛一切智當發大精進汝證一切智十方等佛法具三十二相乃是真實滅

諸佛之導師爲息說涅槃既知是息已引入於佛慧

此譬如下四十六句通頌設喻如文可知但長行唯言化城頌中而言城郭舍宅園林浴池樓閣男女充滿等事則廣喻三乘權果功德利用大小相似總非實證故通云化作爲止息耳我等亦如是下法合前十句合開權既知下十六句合廢權立實諸佛下四句總結法喻終一品之義

妙法蓮華經通義卷第三終

南嶽門人方玉校對

菩薩戒弟子廣壽鄭欽訓同弟廣
專論姪大汛鄭洪恩施銀十兩
二錢六分刻第三卷經言字一
萬九千七百六十字資薦
先考廣心居士 先妣顧氏廣方
先兄鄭廣尊同登樂土



法苑珠林卷三
南嶽門人寸土以隆
昔劉道基于高唐浦友陸師中得
中龍後大石破其形如龜十兩
舊式須計百文于中者
二對入公啟保一外對皆字一
長...

法苑珠林卷三

南嶽門人寸土以隆

十七

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9